



Republika e Kosovës
Republika Kosova-Republic of Kosovo
Kuvendi Komunal Dragash
Skupština Opštine Dragaš/Drage Municipality



01.Nr. 060/01-2266-5/25

Në bazë të nenit 12, paragrafi 12.2, pika d, neni 40, paragrafi 40.2, pika b, të Ligjit për vetëqeverisje lokale nr.03/L-040, (Gazeta zyrtare e Republikës së Kosovës nr.28 Qershor 2008), neni 61, paragrafi 61.2 të Ligjit për menaxhimin e financave publike dhe përgjegjësitë nr. 03/L-048, si dhe neni 53 të Statutit të Komunës së Dragashit, në seancën e mbajtur më 29.09.2025 morri këtë:

V E N D I M
PER MIRATIMIN E BUXHETIT TË KOMUNËS SË DRAGASHIT
PËR VITIN 2026 DHE VLERSIMET PËR VITET 2027 DHE 2028

Neni 1.

Miratohet Buxheti i Komunës së Dragashit për vitin 2026 në shumë prej **13,254,882 euro**

Neni 2.

Buxheti i Komunës së Dragashit përbëhet prej mjeteve nga Grantit të Qeverisë të lejuara me Qarkoren Buxhetore 2026/01, 2026/2, mjeteve vetanake të planifikuara të komunës të parapara për vitin 2026 dhe atë:

Mjetet nga grantet	12,655,154 euro
Mjetet vetanake	589,728 euro

Totali:	13,254,882 euro
----------------	------------------------

Buxheti Sipas Granteve:

Granti i Përgjithshëm	7,272,043.20 euro
Granti i specifik i arsimit	3,766,347.10 euro
Granti specifik i shëndetësisë	1,626,763.10 euro
Mjetet vetanake	589,728.10 euro

Totali:	13,254,882 euro
----------------	------------------------

Neni 3.

Të hyrat vetanake në shume prej 559,728 euro të planifikuar do të shfrytzohen, për,67% për subvensione ndërsa shuma tjetër prej 33% do të shpenzohen për projekte kapitale.

Neni 4.

Shpërndarja e mjeteve te Buxheti te Komunës se Dragashit, sipas Programeve Buxhetore është:

1.Zyra e Kryetarit	305,698
2. Zyra e K.Komunal	241,850
3. Administrata dhe Personeli	649,756
4. Buxhet Finaca	256,695
5. Sherbimet Publike	556,572
6. Zyra e Komuniteteve	58,503
7. Bujqesi Pylltari dhe Zhvill.rur	258,521
8. Kataster Gjeodezi	73,783
9. Planifikimi Urban dhe Inspeccion	3,885,853
10. Shendetesia dhe Mirqenje Sociale	1,703,585
11. Sherbimet Sociale	100,925
12. Kultur, rini ,sport	386,637
13. Arsimi dhe Shkenca	4,776,504
Totali	13,254,882

Neni 5.

Në programet buxhetore të prezantuara ne nenin 4. të këtij Vendimi, Sipas Qarkores Buxhetore 2026/2 nga MFPT-i janë percaktuar: Pagat dhe shtesa **7,025,822** euro ,Mallrat dhe sherbimet, **1,513,342**, Shpenzimet komunale **400,000**, subvencionet, **400,000** dhe shpenzimet kapitale dhe **3,915,718** euro,që gjithsejtë bejnë **13,254,882**euro.

Neni 6.

Mjetet e tërësishme të parapara nga Neni 1.dhe 2. të këtij Vendimi sistemohen në bilancet e të hyrave dhe të shpenzimeve sipas shfrytëzuesve të përmbledhura ne formën unike ne PCF-3 të prezantuara ne mënyre te veçantë në sistemin e BDMS,si sistem unik. Sistemimi i këtyre kategorive në të hyra dhe shpenzime është pjesë përbërëse e këtij, vendimi të prezantuara në format tabelare për të gjithë shfrytëzuesit buxhetor.

Neni 7.

Numri i punëtorëve për vitin 2026 i përcaktuar nëpër programet buxhetore është limituar në 764 dhe i shpërndar sipas tabelës pjesë përbërëse e Vendimit mbi Buxhetin e Komunes së Dragashit për vitin 2026.

Programet buxhetore duhet të sigurojnë që numri i të punësuarëve, asnjëherë, gjatë vitit fiskal 2026 nuk do të tejkalon numërin e përcaktuar me programe buxhetore të limituar me Qarkoren Buxhetore 2026/2 ku është përcaktuar edhe shuma e mjeteve për paga e përcaktuar me Nenin 4. të këtij Vendimi .

Mjetet për Paga të përcaktuara me Qarkoren Buxhetore 2026/2 në shumë prej **7,025,822** euro, nuk plotësojnë në tërësi kërkesën aktuale financiare të numrit të punësuarëve në programet - nënprogramet buxhetore të komunes së Dragashit.

Neni 8.

Pozicionet e mjeteve për paga të parapara në formën tabelare PCF-3 janë përcaktuar sipas koeficientëve të paraparë me ligjin e pagave, për të gjithë shfrytëzuesit e buxhetit, ndërsa për mallëra dhe shërbime dhe shpenzime komunale, subvencione dhe shpenzime kapitale do të shpenzohen sipas pozicioneve të parapara në pjesën tabelare të buxhetit, që është pjesë përbërëse e këtij vendimi .

Shpenzimi i këtyre mjeteve do të bëhet pas alokimit të mjeteve në bazë të Planit KESH për vitin 2026 dhe Rregullave të përcaktuara për implementimin e buxhetit për vitin 2026 procedurave normale të mbështetura në Ligjin mbi Menaxhimin e Financave Publike dhe Përgjigjësitë, Ligjit mbi Prokurimin Publik, Ligjit mbi Financat Lokale dhe rregulloretë tjera në fuqi.



Neni 9.

Mjetet vetanake, si të hyra vetanake të Komunës, të cilat grumbullohen nga tarifat dhe ngarkesat, tatimi në pronë, dënimet në trafik dhe ngarkesat tjera, si dhe bashkë pagesat për kujdesin primar shëndetësor janë planifikuar në kordinim me nivelin qendror në bazë të ecurive të mëparshme. Sipas këtyre ecurive, për vitin 2026, planifikohen të grumbullohen mjete në shumë prej **589,728** euro.

Grumbullimi, shpërndarja, bartja në BKK, alokimi dhe shfrytëzimi i tyre do të bëhet sipas skemës së paraparë me buxhetin e komunës, si dhe dispozitave ligjore të Ligjit mbi Buxhetin e Republikës së Kosovës.

Neni 10.

Çdo shfrytëzues i mjeteve të buxhetit (mendohet në Programet Buxhetore të Komunës), si të mjeteve vetanake, po ashtu edhe për mjetet nga granti i Qeverisë, duhet të shpenzohen në mbështetje të udhëzimeve në fuqi.

Neni 11.

Shpenzimi i mjeteve për paga, mallëra dhe shpenzime, subvencione dhe shpenzime kapitale do të realizohet në harmoni dhe përputhje me rregullat dhe procedurat, si dhe standardet për hargjimin e mjeteve publike.

Neni 12.

Pasqyrimi si dhe shpërndarja e mjeteve për të gjitha Programet Buxhetore të Komunës, detalisht duken në formën unike tabelare të buxhetit të përfshira në formën tabelare të çdo Programi-nenprogrami buxhetor të bashkangjitur, janë kryekëput bazë e këtij Vendimi. Pjesë e këtij Vendimi është edhe Lista e Projekteve Kapitale (e cila financohet nga të hyrat vetanake dhe Garantet e Qeverisë) të përfshira si Projekte të PIP-të, për periudhën përkatëse.

Neni 13.

Buxheti për vitet 2026-2028 është planifikuar në bazë të Kornizës Buxhetore të Republikës së Kosovës Qarkores buxhetore 2026/1, Qarkores buxhetore 2026/2 ku janë caktuar limitet e kategorive ekonomike buxhetore për buxhetin e komunes Dragashit dhe i njëjti në vitin 2026 në total, është 13,254,882 euro, për vitin 2027 vlersimi është 14,018,667 euro për vitin 2028 vlersimi 15,062,082 euro

Neni 14.

Ky Vendim hyn në fuqi ditën e miratimit, implementohet nga: Janari.2026.

A r s y e t i m

Përgatitja e Buxhetit të Komunës së Dragashit, si kërkesë fillestare për vitet 2026-2028, ka filluar qysh në Qershor të vitit 2025. Periudhës përgaditore të këtij Buxheti i kanë paraprirë një numër i madhe i takimeve të organizuar nga Ministria e Financave, Punës dhe Transfereve. Si draft fillestar është prezantuar në disa dëgjim publik të organizuara nga Kryetari i Komunës, ZKF dhe Drejtorat e Drejtorive me Anetaret e Asambles është shqyrtuar në Bordin e Drejtoreve dhe, në fund si propozim përfundimtar edhe në Komitetin për Politikë dhe Financa të Komunës Dragash. Në bazë të propozimeve të dala nga dëgjimet publike, propozimet nga Bordi i Drejtoreve, si dhe propozimet dhe sugjerimet e Komitetit për Politikë dhe Financa është hartuar Propozimi Final i këtij dokumenti i cili do të miratohet në Kuvendin Komunal, në seancën e mbajtur më: 29.09.2025

Kryesusi i Kuvendit

Ajjeta Skeraj

